



МОНГОЛБАНКНЫ НЭРЭМЖИТ ЭРДЭМ ШИНЖИЛГЭЭНИЙ БҮТЭЭЛИЙН УРАЛДААНЫ УДИРДАМЖ

НЭГ. ЗОРИЛГО

Бүтээлийн уралдааны зорилго нь эдийн засаг, статистик болон санхүүгийн чиглэлээр судалгаа, шинжилгээ хийдэг оюутнуудыг дэмжих, тэдгээрийн бүтээлийг нийтэд түгээн дэлгэрүүлэх, бодлого боловсруулахад оролцох оролцоог нэмэгдүүлэхэд оршино.

ХОЁР. СЭДВИЙН ХАМРАХ ХҮРЭЭ

- 2.1 Орон сууцны үнийг тогтворжуулах боломж
- 2.2 Уул уурхайн бус экспортыг хөгжүүлэх боломж
- 2.3 Мега төслүүдийн зардал, үр ашиг, үр дүнгийн шинжилгээ
- 2.4 Уур амьсгалын өөрчлөлтийн эдийн засагт үзүүлэх сөрөг нөлөөг бууруулах
- 2.5 Мэргэшсэн ажиллах хүчнийг бэлдэх тогтолцоог бий болгох
- 2.6 Үл хөдлөх хөрөнгийн үнэлгээ, үнэлгээний тогтолцоог бий болгох
- 2.7 Ноос, ноолуурын салбарыг бодлого, үйл ажиллагаагаар дэмжих
- 2.8 Хотжилт, хүн амын төвлөрлийг сааруулах арга замууд
- 2.9 Уул уурхайн бүтээгдэхүүний экспортын цаашдын төлөв байдал
- 2.10 Эрчим хүчний нийлүүлэлтийг дотооддоо бүрэн хангах арга замууд
- 2.11 Бүтээгдэхүүний нэгж өртгийн зардлыг олон улсын жишигтэй харьцуулах, олон улсын жишигт хүргэх замууд
- 2.12 Банк, санхүүгийн байгууллагууд (ББСБ, ХЗХ, Ломбард)-ын зээлийн хүүний бүтэц, бууруулах боломж
- 2.13 Мөнгөний бодлогын эдийн засагт үзүүлэх нөлөө
- 2.14 Гадаадын хөрөнгө оруулалт, санхүүжилт татах боломж, эдийн засагт үзүүлэх нөлөө,
- 2.15 Гадаад худалдааны өрсөлдөх чадвар, түүнийг дээшлүүлэх боломж,
- 2.16 Гадны банк оруулж ирсэнээр эдийн засагт үзүүлэх үр нөлөө
- 2.17 Уур амьсгалын өөрчлөлт
- 2.18 Ногоон тогтвортой санхүүжилт
- 2.19 Тогтвортой хүртээмжтэй эдийн засаг
- 2.20 Бусад

ГУРАВ. ЕРӨНХИЙ ШААРДЛАГА

3.1 Бүтээлийн агуулгад тавигдах ерөнхий шаардлага:

- Онол, аргазүйн үндэслэлтэй, олон талт, шинэлэг сэтгэлгээгээр хандсан байх
- Шинэлэг, оновчтой санал, санаачилга дэвшүүлсэн байх
- Бодит мэдээлэл ашиглаж, баримтаар баталгаажуулах
- Практик ач холбогдолтой байх
- Тоон болон чанарын шинжилгээний арга хэрэгслүүдийг ашигласан байх
- Бусдын ажлыг хуулбарлаагүй, судалгаанд ашигласан материалыг бүрэн дурдах
- Судалгааны бүтээл нь гарчиг, хураангуй, удиртгал, судалгааны хэсэг, дүгнэлт, ном зүй гэсэн үндсэн хэсгүүдээс бүрдсэн байх
- Судалгааны нүүр хуудсанд нэр, холбоо барих 2 утасны дугаар, цахим шуудан, ажлын болон сургуулийн нэр, курс, мэргэжил, судалгааны ажлын нэрийг бичих

3.2 Оролцогчдод тавигдах ерөнхий шаардлага:

- Дотоодын болон гадаадын их дээд сургуулийн бүх оюутнууд оролцож болно.
- Багаар оролцож болно.
- Судалгааны ажлууд заавал удирдагч багштай байх, удирдагч багшийн гарын үсгээр баталгаажсан байх

3.3 Бичгийн стандарт

- Үсгийн фонт – Times new roman / “Мон” өргөтгөлтэй фонт байж болохгүй/
- Үсгийн фонтын хэмжээ – 12
- Мөр хоорондын зай – 1.5
- Хуудасны хэмжээ: Дээд захаас 20мм, доод захаас 20 мм, зүүн захаас 30 мм, баруун захаас 15 мм
- Цаасны хэмжээ: А4
- Бүтээлийн хуудасны тоо: Хавсралтгүйгээр 30-с ихгүй байх
- Үг үсгийн болон утга найруулгын алдаагүй байх

3.4 Эцсийн шатанд шалгарсан бүтээлүүдийн илтгэлд тавигдах ерөнхий шаардлага

- Илтгэлийг PowerPoint эсвэл PDF файлаар хураангуйтай хамт ирүүлэх
- Илтгэл сэдвийн хүрээнд байгаа эсэх
- Шинэлэг санаа агуулсан, олон талт, шинэлэг сэтгэлгээгээр хандсан байх
- Илтгэх чадвар
- Санаагаа тодорхой хүргэж, асуултад оновчтой хариулж буй байдал
- Үгийн сонголт, ярианы чадвар
- Илтгэлийн хугацаа: 10-15 минут

ДӨРӨВ. ХУРЛЫН ҮЕ ШАТ, ЗОХИОН БАЙГУУЛАЛТ

- 4.1 Нэгдүгээр шат: Бүтээлийг файл хэлбэрээр хүлээн авч, дүгнэж, дараагийн шатанд шалгарсан оролцогчдод мэдэгдэнэ.
- 4.2 Хоёрдугаар шат: Эхний шатанд шалгарсан судалгааны ажлуудыг 2026 оны 5 дугаар сарын 22-ны өдөр Монголбанкны Г байрны 2 давхарт хэлэлцүүлнэ.
- 4.3 Бүтээлүүдийг хэлэлцүүлэхдээ Монголбанкны багаар шүүлгэж, дүнг гаргана.

ТАВ. ШАГНАЛЫН САН

- 1-р байр – Өргөмжлөл, 3,000,000₮ /Гурван сая төгрөг/
- 2-р байр – Өргөмжлөл, 2,000,000₮ /Хоёр сая төгрөг/
- 3-р байр – Өргөмжлөл, 1,000,000₮ /Нэг сая төгрөг/
- Тусгай байр

ЗУРГАА. МАТЕРИАЛ ХҮЛЭЭН АВАХ

Хугацаа: 2026 оны 5 дугаар сарын 08-ны өдрийн 16:00 цаг хүртэл бүтээлийг цахим хэлбэрээр tri@mongolbank.mn хаягаар хүлээн авна.

Судалгааны бүтээлийг цахим шуудангаар ирүүлэхдээ оролцогчийн мэдээлэл (нэр, холбоо барих мэдээлэл, цахим шуудан), сургуулийн болон байгууллагын нэр, удирдагч багшийн мэдээлэл болон судалгааны бүтээлийн нэрийг тодорхой бичиж илгээхийг анхаарна уу.

Бага тойруу 3, 15160, Улаанбаатар, Монголбанк

Дэлгэрэнгүй мэдээллийг www.mongolbank.mn цахим хуудаснаас болон (976) 11-323435 утсаар лавлана уу.